



686
06/11
Teh.

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), člana 41. stav (1) Zakona o izvršavanju Budžeta Unsko-sanskog kantona za 2021. godinu („Službeni glasnik Unsko-sanskog kantona“, broj: 10/21), člana 12. Zakona o poticaju razvoja male privrede („Službeni glasnik Unsko-sanskog kantona“, broj: 19/11), Zakon o državnoj pomoći („Službeni glasnik Bosne i Hercegovine“, broj: 10/12 i 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18), na prijedlog Ministarstva privrede, Vlada Unsko-sanskog kantona na sjednici održanoj dana 06.05.2021. godine, donosi:

P R O G R A M POTICAJA RAZVOJA MALE PRIVREDE ZA 2021. GODINU

POGLAVLJE I - OPĆE ODREDBE

Član 1.

(Predmet Programa)

Programom poticaja razvoja male privrede za 2021. godinu (u daljem tekstu: Program) utvrđuju se poticajne mjere i aktivnosti radi ostvarivanja ciljeva razvoja male privrede, te prioriteti i kriteriji poticaja razvoja male privrede u skladu sa raspoloživim finansijskim sredstvima.

Član 2.

(Cilj Programa)

Cilj Programa je pružanje podrške subjektima male privrede, fizičkim i pravnim licima, definisanih Zakonom o poticaju razvoja male privrede („Službeni glasnik Unsko-sanskog kantona“, broj: 19/11), koji su registrirani u okviru proizvodne, proizvodno-uslužne i uslužne djelatnosti, radi očuvanja, rasta i razvoja subjekata male privrede na području Unsko-sanskog kantona (u daljem tekstu: Kanton), povećanja zapošljavanja, povećanja proizvodnje, kvaliteta i konkurentnosti male privrede, povećanja broja subjekata male privrede, poticanja obavljanja i opstanka tradicionalnih i starih zanata, povećanja udjela žena, mlađih i osoba sa invaliditetom u poduzetništvu i održivi razvoj.

Član 3.

(Poticajne mjere)

Ciljevi definisani članom 2. ovog Programa realizirat će se kroz mjere:

- a) Plasman posebne kreditne linije subjektima male privrede uz subvencioniranje dijela kamatne stope
- b) Jačanje konkurenčnosti subjekata male privrede,
- c) Podrška novoosnovanim subjektima male privrede
- d) Podrška tradicionalnim i starim zanatima

POGLAVLJE II - PLASMAN POSEBNE KREDITNE LINIJE SUBJEKTIMA MALE PRIVREDE UZ SUBVENCIONIRANJE DIJELA KAMATNE STOPE

Član 4.

(Predmet mjere)

- (1) Predmet mjere je prikupljanje ponuda za izbor banke-za plasman posebne kreditne linije subjektima male privrede uz subvencioniranje dijela efektivne kamatne stope, u svrhu finansiranja nabavke trajnih obrtnih sredstava, stalnih sredstva i investicija (dugoročna finansiranja), održavanje tekuće likvidnosti i očuvanje postojećih te kreiranje novih radnih mesta.

Član 5.

(Sredstva za implementaciju)

- (1) Sredstva za implementaciju ove mjere obezbjeđena su u Budžetu Ministarstva privrede (u daljem tekstu: Ministarstvo) na ekonomskom kodu 614500 - "Subvencije preduzećima i poduzetnicima" u iznosu od 200.000,00 KM (slovima: dvijestotine hiljadakonvertibilnih maraka)
- (2) Sredstva iz stava (1) ovog člana namijenjena su za subvencioniranje 12-mjesečnih troškova kamatne stope i to 48,5% od ugovorene efektivne kamatne stope po jednom korisniku, računajući od dana plasmana kreditnih sredstava.
- (3) Kreditna sredstva subjektima male privrede obezbijedit će banka.

Član 6.

(Javni poziv za izbor banke)

- (1) Izbor banke za plasman posebne kreditne linije subjektima male privrede uz subvencioniranje dijela kamatne stope vrši se putem Javnog poziva kojeg objavljuje Ministarstvo.
- (2) Javni poziv objavljuje se u jednom dnevnom listu na području Federacije BiH i na web stranici Vlade Unsko-sanskog kantona.
- (3) Rok za dostavljanje ponuda po Javnom pozivu je 20 dana od dana objave Javnog poziva.
- (4) Sve ponude zaprimljene nakon definisanog roka su neblagovremene i kao takve neotvorene će biti vraćene ponuđaču.

Član 7.

(Potrebna dokumentacija)

- (1) Prilikom dostavljanja ponude po javnom pozivu podnositelj prijave (u daljem tekstu: Banka) dostavlja opštu dokumentaciju:
- Aktuelni izvod iz sudskog registra, ne stariji od 3 mjeseca;
 - Dokaz o dozvoli za rad (licenca) od Agencije za bankarstvo Federacije BiH;
 - Certifikat Agencije za osiguranje depozita;
 - Uvjerenje o poreznoj registraciji (ID broj) i Uvjerenje o registraciji obveznika indirektnih poreza (PDV broj);
 - Dokaz o Adekvatnosti kapitala na dan 31.12.2020. godine koji ne smije biti manji od 14%;
 - Uvjerenje o izmirenim porezima i doprinosima kojima se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Porezne uprave Federacije BiH ne starije od tri mjeseca od dana podnošenja prijave;
 - Uvjerenje nadležnog suda ili organa uprave kod kojeg je ponuđač registrovan kojim se potvrđuje da nije pod stečajem, niti je predmet stečajnog postupka, da nije predmet

- postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- h) Izjava da visina kapitala na dan 31.12.2020. godine nije manja od 100 miliona KM i
 - i) Kompletan set finansijskih izvještaja u skladu sa Odlukom u formi izvještaja koje banke dostavljaju Agenciji za bankarstvo za 2020. godinu (pozitivno poslovanje banke u 2019. i 2020. godini).
- (2) Pored opšte dokumentacije Banka dostavlja i posebnu dokumentaciju:
- a) Potvrda ili dokaz o uspješnom iskustvu u realizaciji ugovora čiji su karakter i kompleksnost slični onima koji se odnose na ovaj Javni poziv.
- (3) Sve kopije dokumenata koje se prilažu moraju biti ovjerene od strane nadležnog organa uprave ili notara, ovjerom ne starijom od 30 dana, računajući od dana objave Javnog poziva.
- (4) Ponude će biti odbačene kao nepotpune i neće biti predmet daljeg razmatranja ako ne sadrže kompletну dokumentaciju navedenu u stavu (1) i (2) ovog člana.

Član 8.

(Dostavljanje ponuda)

- (1) Banka dostavlja ponudu u originalu i podnosi je u zatvorenoj koverti neposredno na protokol Vlade Unsko-sanskog kantona ili preporučeno putem pošte, sa naznakom:

Ministarstvo privrede Unsko-sanskog kantona Alije Čerzeleza br.2. 77 000 Bihać sa naznakom „PRIJAVA PO JAVNOM POZIVU ZA IZBOR BANKE ZA PLASMAN POSEBNE KREDITNE LINIJE UZ SUBVENCIONIRANJE DIJELA KAMATNE STOPE“ <u>„NE OTVARAJ“</u>
--

Na poleđini koverte obavezno se navodi: naziv podnosioca ponude, adresa i kontakt telefon, te se ovjerava pečatom banke

- (2) Ponuda se čvrsto uvezuje na način da se onemogući naknadno vađenje ili umetanje listova.
- (3) Stranice ponude se označavaju rednim brojem.

Član 9.

(Kriterij za ocjenu ponude)

- (1) Kriteriji za ocjenu ponude su:
- a) Visina sredstava za kreditnu liniju.....učešće 15%max. 15 bodova
 - b) Visina kamatne stope
 - kreditna sredstva za investicione programe u proizvodnjiučešće 40%max. 40 bodova
 - kreditna sredstva za ostale djelatnosti i namjene.....učešće 30%max. 30 bodova
 - c) Visina troškova obrade kreditaučešće 5%max. 5 bodova
 - d) Broj uspješno implementiranih kreditnih linija na području Federacije BiH ili Unsko-sanskog kantona čiji su karakter i kompleksnost slični onima koji se odnosi na ovaj Javni poziv.....učešće 10%max. 10 bodova.
- (2) Ugovor se zaključuje sa Bankom koja je u skladu sa navedenim kriterijima dostavila najpovoljniju ponudu, odnosno koja je ostvarila najveći broj bodova.

- (3) U slučaju da dvije ili više banaka nakon ocjenjivanja ostvare isti broj bodova prednost u odabiru imat će banka koja je ponudila manju kamatu stopu za investicione programe u proizvodnji.U slučaju da i nakon ovako provedene procedure banke imaju isti broj bodova zadržava se diskreciono pravo odabira banke.

Član 10.
(Izbor banke)

- (1) Izbor banke za plasman posebne kreditne linije uz subvencioniranje dijela kamatne stope provodi Komisija koju Rješenjem imenuje ministar Ministarstva.
- (2) Komisija ima zadatak da u skladu sa odredbama ovog Programa, Javnog poziva i Pravilnika o postupcima u provođenju programa poticaja razvoja male privrede izvrši ocjenu ponuda, sačini rang listu i dostavi ministru.
- (3) Odluku o izboru banke donosi ministar Ministarstva i ista se dostavlja svim učesnicima po Javnom pozivu.
- (4) Na Odluku iz stava (3) ovog člana može se izjaviti prigovor u roku od 5 (pet) dana od dana prijema Odluke.
- (5) Nakon rješavanja po uloženim prigovorima u roku od 5 dana Ministar donosi Konačnu Odluku o izboru banke na koju Vlada Kantona daje saglasnost i ista se objavljuje na web stranici Vlade Unsko-sanskog kantona.

Član 11.
(Ugovor o poslovnoj saradnji i deponovanju sredstava)

- (1) Sa odabranom bankom Ministarstvo zaključuje Ugovor o poslovnoj saradnji (u daljem tekstu: Ugovor).
- (2) Ugovorom iz stava (1) ovog člana reguliše se pravo podnošenja prijave za kreditna sredstva iz kreditne linije, visina kreditnih sredstava, najviši iznos kreditnih sredstava po jednom korisniku, visina i način realizacije subvencionirane kamatne stope, način monitoringa i izvještavanja Banke o korisnicima ove kreditne linije Ministarstvu, te druga pitanja od značaja za realizaciju sredstava.
- (3) Po zaključenju Ugovora Ministarstvo će deponovati sredstva iz člana 5. stav (1) ovog Programa na namjenski račun Banke.

Član 12.
(Obaveze banke)

- (1) Obaveza Banke je da nakon zaključivanja Ugovora sa Ministarstvom objavi Javni poziv za plasman posebne kreditne linije uz subvencioniranje dijela kamatne stope.
- (2) Prijave sa potpunom i potrebnom dokumentacijom podnose se Banci.
- (3) Javni poziv za plasman posebne kreditne linije uz subvencioniranje dijela kamatne stope je otvoren do iskorištenja sredstava utvrđenih u članu 5. ovog Programa, a najkasnije do 31.12.2022. godine.
- (4) Banka razmatra zaprimljene prijave aplikata u skladu sa Ugovorom i Javnim pozivom, te provodi druge aktivnosti u skladu sa aktima i procedurama Banke.
- (5) Banka donosi Odluku o izboru korisnika sredstava i zaključuje Ugovore sa korisnicima kreditnih sredstava, a jedan primjerak tih ugovora dostavlja Ministarstvu.
- (6) Odobreni kredit po jednom korisniku ograničava se iznosom do 1.000.000,00 KM (slovima: jedanmilion KM) sa rokom otplate u zavisnosti od vrste i visine kreditnog zahtjeva do maksimalno 84 mjeseca, uz mogućnost grage perioda do 6 mjeseci za dugoročna finansiranja.Ukoliko korisnik realizuje dva ili više kredita imat će pravo na subvencioniranje dijela kamata na zbir kredita koji ne prelazi iznos od 1.000.000,00 KM (slovima: jedanmilion KM).

- (7) Banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita.
- (8) Banka u potpunosti snosi rizik naplate odobrenih kreditnih sredstava - glavnice i ukupne pripadajuće kamate.
- (9) Banka se obavezuje da će vršiti monitoring korisnika sredstava u djelu namjenskog korištenja kreditnih sredstava, te da će Ministarstvu dostavljati izvještaj o realizaciji na mjesecnom nivou, sa svim potrebnim podacima. Za tačnost informacija iz izvještaja i dostavljenih dokaza garantuje Banka.
- (10) U slučaju da Banka utvrdi nenamjenski utrošak sredstava od strane korisnika sredstava ista je u obavezi pismeno obavijestiti Ministarstvo radi regulisanja načina povrata subvencionirane kamatne stope.

Član 13.

(Pravo apliciranja-korisnici)

- (1) Pravo apliciranja na Javni poziv za plasman posebne kreditne linije uz subvencioniranje dijela kamatne stope imaju subjekti male privrede, fizička i pravna lica, definisana Zakonom o poticaju razvoja male privrede („Službeni glasnik Unsko-sanskog kantona”, broj: 19/11), koji ispunjavaju sljedeće uslove:
 - a) da su registrovani i imaju sjedište na području Unsko-sanskog kantona;
 - b) da su aktivni i imaju uposlene radnike;
 - c) uredno izmiruju zakonom predviđene obaveze;
 - d) subjekti koji su po osnovu tekuće kreditne zaduženosti, a prema podacima iz CRK-a "A" kategorija (dozvoljena je i "B" kategorija ukoliko ista nije nastala zbog stvarnog kašnjenja subjekta u otplati kreditnih obaveza);
 - e) subjekti koji su zadovoljavajućeg boniteta u skladu sa kriterijima Banke.
- (2) Pravo apliciranja na javni poziv za plasman posebne kreditne linije uz subvencioniranje dijela kamatne stope nemaju subjekti čija djelatnost se odnosi na: proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću.

POGLAVLJE III - JAČANJE KONKURENTNOSTI SUBJEKATA MALE PRIVREDE

Član 14.

(Predmet mjere)

Predmet mjeru je prikupljanje prijava subjekata male privrede, fizičkih i pravnih lica, definisanih Zakonom o poticaju razvoja male privrede za sufinansiranje troškova nabavke opreme, softver opreme i unutrašnjeg uređenja proizvodno/poslovног prostora (građevinski i instalacijski radovi).

Član 15.

(Sredstva za implementaciju)

Sredstva za implementaciju ove mjeru obezbjeđena su u Budžetu Ministarstva na ekonomskom kodu 614500 – „Subvencije preduzećima i poduzetnicima“ u ukupnom iznosu od 1.400.000,00 KM (slovima: miliončetiristotinehiljadakonvertibilnihmaraka).

Član 16.

(Pravo učešća)

Pravo učešća imaju subjekti male privrede, fizička i pravna lica (d.o.o. i d.d.) definisana Zakonom o poticaju razvoja male privrede („Službeni glasnik Unsko-sanskog kantona“, broj:

19/11), registrirana u okviru proizvodne, proizvodno-uslužne i uslužne djelatnosti, unutar određenih područja Klasifikacije djelatnosti KD BiH 2010 („Službeni glasnik BiH“, broj: 47/10).

Član 17.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 16. ovog Programa, a koji ispunjavaju slijedeće uslove:

- a) da na osnovu Obavještenja o razvrstavanju prema klasifikaciji djelatnosti Zavoda za statistiku obavljaju registrovanu djelatnost unutar dozvoljenih slijedećih područja djelatnosti prema Klasifikaciji djelatnosti KD BiH 2010 („Službeni glasnik BiH“, broj: 47/10);

RB	PODRUČJE	OBLAST /GRANA/ RAZRED	DJELATNOSTI ZA KOJE SE DODJELJUJU POTICAJNA SREDSTVA	DJELATNOSTI ZA KOJE SE NEĆE DODJELJIVATI POTICAJNA SREDSTVA
1.	B	08.1 08.9	VAĐENJE OSTALIH RUDA I KAMENA - Vađenje kamena, pjeska i gline - Vađenje ruda i kamena d.n.	
2.	C	10-33	PRERAĐIVAČKA INDUSTRIJA	C-11.01, C-11.02, C-11.03, C-11.04, C-11.05, C-11.06, C-12, C-19, C-21,C-25.4, C-30
3.	F	41-43	GRAĐEVINARSTVO	
4.	H	49.31 49.39	- Gradski i prigradski kopneni prijevoz putnika; - Ostali kopneni prijevoz putnika, d.n.	
5.	I	55-56	HOTELIJERSTVO I UGOSTITELJSTVO	
6.	J	62	INFORMACIJE I KOMUNIKACIJE Računarsko programiranje, savjetovanje i djelatnosti u vezi s njima	
7.	M	74.1 74.2	Specijalizirane dizajnerske djelatnosti Fotografske djelatnosti	
8.	N	79.11 81.2 81.3 82.11	- Djelatnosti putničkih agencija - Djelatnosti čišćenja - Uslužne djelatnosti uređenje i održavanja zelenih površina - Kombinirane kancelarijske administrativne uslužne djelatnosti	
9.	P	85.53	Djelatnosti vozačkih škola	
10.	S	95-96	Popravak računara i predmeta za ličnu upotrebu i domaćinstvo; Ostale lične uslužne djelatnosti	

- b) da su registrovani i imaju sjedište na području Kantona;
- c) čija se djelatnost odnosi na proizvodnu, proizvodno-uslužnu i uslužnu djelatnost;
- d) da poslju najmanje godinu dana;
- e) imaju pozitivno poslovanje u 2019. godini;

- f) da upošljavaju minimalno: privredno društvo(dva) radnika, odnosno 1 (jednog) radnika (uključujući vlasnika) fizičko lice na neodređeno vrijeme sa danom objave Javnog poziva;
- g) da vlastito učešće u ukupnoj vrijednosti projekta iznosi minimalno 50% (Izjavao vlastitom učešću finansijskih sredstava za realizaciju projekta);
- h) da uredno izmiruju direktne poreze, doprinose za PIO/MIO i zdravstveno osiguranje;
- i) da uredno izmiruju indirektne poreze, ukoliko su u sistemu PDV-a;
- j) da nije pokrenut ili okončan postupak stečaja ili likvidacije ili postupak gašenja, obustave ili ograničenja poslovne aktivnosti i
- k) da uredno izmiruju obaveze po osnovu koncesija za korištenje javnih dobara i usluga (za koncesionare).

Član 18.

(Maksimalni iznos sredstava koji se dodjeljuje)

- (1) Maksimalni iznos sredstava za fizičko lice po jednom korisniku iznosi 10.000,00 KM (slovima: desethiljadakonvertibilnihmaraka).
- (2) Maksimalni iznos sredstava za pravno lice po jednom korisniku iznosi 50.000,00 KM (slovima: pedesethiljadakonvertibilnihmaraka).

Član 19.

(Namjena utroška sredstava i rok za implementaciju)

- (1) Sredstva iz člana 18. namjenjena su za sufinansiranje troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi).
- (2) Za djelatnosti iz područja H razred 49.31 i 49.39 sufinansiraju se isključivo troškovi izdavanja police osiguranja za vozila.
- (3) Neprihvatljivi troškovi za koje se ne mogu koristiti sredstva su: nabavka kancelarijskog namještaja i materijala, repromaterijal, ugradnja stolarije, podizanje krovnih konstrukcija, vanjski građevinski radovi, police osiguranja imovine i ljudi, kupovina i iznajmljivanje objekata, zemljišta, svih motornih priključnih vozila, kupovina, obnova, rekonstrukcija ili modernizacija objekta za najam ili prodaju, plaće i doprinosi na plaće, kao i nabavka opreme od lica koja nisu registrovani kao poslovni subjekti.
- (4) Rok za implementaciju projekta po potpisom Ugovoru za korisnike sredstava je maksimalno 6 mjeseci od dana doznačavanja sredstava korisniku.
- (5) Svako korištenje odobrenih sredstava suprotno namjenama utvrđenim u stavu (1) ovog člana smarat će se nenamjenskim utroškom.
- (6) Korisnici koji dobiju sredstava od Ministarstva po predmetnom Programu ne mogu prestati sa radom u periodu od minimalno jedne godine, u suprotnom su u obavezi vratiti dodjeljena sredstva u cijelokupnom iznosu.

Član 20.

(Kriterij za odabir korisnika)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	do 9 zaposlenih	1	Lista osiguranih lica izdana od strane Porezne uprave
		od 10-49 zaposl.	2	
		od 50-250 zaposl.	3	
2.	Vrsta djelatnosti	Proizvodna	3	Obavijest o razvrstavanju subjekata prema djelatnosti
		Proizvodno-uslužna	2	

		Uslužna	1	uskladeno sa KD 2010 (Zavod za statistiku F BiH)
3.	Broj zaposlenih iz ciljnih skupina (žene,mladi do 35 godina i osobe sa invaliditetom)	Po svakom zaposlenom	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
4.	Vlastito učešće u ukupnoj vrijednosti projekta iznosi više od minimalno zahtjevanih 50%	81% i više	3	Izjava o vlastitom učešću finansijskih sredstava za realizaciju Projekta
		61% - 80%	2	
		50% - 60%	1	
5.	Poslovanje subjekta male privrede u jedinicama lokalne samouprave	Izrazito nerazvijene JLS(I grupa)	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS (II grupa)	2	
		III, IV i V grupa	1	
6.	Korisnik Poticaja Ministarstva privrede u 2019. i 2020.g.	Nije ostvario pravo na poticaj za navedene godine	3	Službena evidencija Ministarstva
		Korisnik sredstava	1	

Član 21.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama "Krajina" i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantona www.vladausk.ba.
- (3) Uz Prijavni obrazac potrebno je dostaviti sljedeću dokumentaciju:
 - a) Budžet projekta (dostupan na web stranice Vlade Kantona www.vladausk.ba);
 - b) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi više od minimalno zahtjevanih 50%), (ovjeren pečatom pravnog/fizičkog lica i potpisom od strane ovlaštene osobe);
 - c) Original ili ovjerena fotokopija Aktualnog izvoda iz sudskog registra (pravna lica)ne stariji od 3 mjeseca od dana objave Javnog poziva, odnosno original ili ovjerena fotokopija Rješenja o registraciji od nadležnog gradskog/općinskog organa sa zadnjim izmjenama i/ili dopunama (fizičko lice) (ovjera ne starija od 3 mjeseca od dana objave Javnog poziva);
 - d) Ovjerena fotokopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - e) Ovjerena fotokopija Obavijesti o razvrstavanju subjekta prema djelatnosti uskladeno sa klasifikacijom djelatnosti KD 2010 (FBiH Zavod za statistiku)(ovjera ne starija od 3 mjeseca od dana objave Javnog poziva);
 - f) Original ili ovjerena fotokopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva);
 - g) Original ili ovjerena fotokopija Uvjerenja o urednom izmirenju indirektnih poreza od Uprave za indirektno oporezivanje(ukoliko je u sistemu PDV-a) (ne starije od 3

- mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana ovjerena od strane podnosioca;
- h) Fotokopija bilansa stanja i bilans uspjeha za 2019. godinu;
 - i) Fotokopija Specifikacije za utvrđivanje dohotka od samostalne djelatnosti (Obrazac SPR-1053) za 2019. godinu;
 - j) Za pravno lice original ili ovjerena fotokopija potvrde izdane od strane Suda da se ne vodi stečajni ili likvidacioni postupak ne starija od 3 mjeseca od dana podnošenja prijave;
 - k) Za fizičko lice original ili ovjerena fotokopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti ne starija od 3 mjeseca od dana podnošenja prijave;
 - l) Original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva;
 - m) Izjava podnosioca prijave o pripadnosti uposlenika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca;
 - n) Fotokopija dokumenta iz kojeg je vidljiv broj transakcijskog računa na koji će se sredstva doznačiti (ugovor, karton deponovanih potpisa, potvrda);
 - o) Ponuda ili predračun sa uključenom tehničkom specifikacijom troškova, izdat od poslovnog subjekta od kojeg se planira nabaviti oprema, softver oprema ili se planira unutrašnje uređenje proizvodnog/poslovnog prostora (građevinski i instalacijski radovi). Dostavljena ponuda ili predračun ne mogu biti stariji od dana objave Javnog poziva;
 - p) Za djelatnosti iz područja H razred 49.31 i 49.39 ponuda ili predračun police osiguranja za pojedinačno vozilo od osiguravajuće kuće. Dostavljena ponuda ili predračun police osiguranja ne mogu biti stariji od dana objave Javnog poziva;
 - q) Potvrda o izmirenju obaveza po osnovu koncesionih naknada (za koncesionare) i
 - r) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletну dokumentaciju koja se traži Javnim pozivom.

POGLAVLJE IV - PODRŠKA NOVOOSNOVANIM SUBJEKTIMA MALE PRIVREDE

Član 22. (Predmet mjere)

Predmet mjere je prikupljanje prijava subjekata male privrede, fizičkih i pravnih lica, definisanih Zakonom o poticaju razvoja male privrede za refundiranje troškova registracije i troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi) nastalih od 16.03.2020. godine do dana objave Javnog poziva ili sufinansiranje troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi).

Član 23. (Sredstva za implementaciju)

Sredstva za implementaciju ovog Projekta obezbeđena su u Budžetu Ministarstva na ekonomskom kodu 614500 – „Subvencije preduzećima i poduzetnicima“ u ukupnom iznosu od 230.000,00 KM (slovima: dvijestotinetridesetkonvertibilnihmaraka)

Član 24.

(Pravo učešća)

- (1) Pravo učešća imaju novoosnovani subjekti male privrede, fizička i pravna lica, definisana Zakonom o poticaju razvoja male privrede („Službeni glasnik Unsko-sanskog kantona“, broj: 19/11), registrovana/registrovani od 16.03.2020. godine do dana objave Javnog poziva.
- (2) Pravo učešća nemaju subjekti male privrede čija djelatnost se odnosi na: poljoprivrednu proizvodnju, proizvodnju oružja i vojne opreme, proizvodnju duhanskih proizvoda i alkoholnih pića, otvaranje kasina i drugih igara na sreću.

Član 25.

(Uslovi za dodjelu sredstava)

Pravo na dodjelu poticajnih sredstava ostvaruju subjekti male privrede definisani u članu 24. stav (1) koji ispunjavaju sljedeće uslove:

- a) da su registrovani i imaju sjedište na području Kantona;
- b) čija se djelatnost odnosi na proizvodnu, proizvodno-uslužnu i uslužnu djelatnost;
- c) da upošljavaju minimalno: privredno društvo 2 (dva) radnika, odnosno 1 (jednog) radnika (uključujući vlasnika) fizičko lice na neodređeno vrijeme sa danom objave Javnog poziva;
- d) za subvencioniranje troškova da vlastito učešće u ukupnoj vrijednosti projekta iznosi minimalno 20% (Izjava o vlastitom učešću finansijskih sredstava za realizaciju projekta);
- e) da uredno izmiruju direktne poreze, doprinose za PIO/MIO i zdravstveno osiguranje (izuzev onih koji posluju manje od mjesec dana);
- f) da uredno izmiruju indirektne poreze, ukoliko je u sistemu PDV-a (izuzev onih koji posluju manje od mjesec dana) i
- g) da do dana podnošenja prijave nisu koristili poticajna sredstva iz budžeta Federacije BiH, Kantona, jedinica lokalne samouprave za istu namjenu za koju su podnijeli prijavu.

Član 26.

(Maksimalni iznos sredstava koji se dodjeljuje)

- (1) Sredstva za predmetne namjene utvrđene ovim Programom dodjeljuju se korisnicima, i to:
 - a) fizičkom licu-maksimalno 5.000,00 KM (slovima: pethiljadakonvertibilnihmaraka), s tim da se za troškove registracije (isključivo kod refundiranja troškova) dodjeljuje fiksni iznos od 500,00 KM (slovima: petstotinakonvertibilnihmaraka);
 - b) pravnom licu-maksimalno 10.000,00 KM (slovima: desethiljadakonvertibilnihmaraka), s tim da se za troškove registracije (isključivo kod refundiranja troškova) dodjeljuje fiksni iznos od 1.500,00 KM (slovima: hiljadupetstotinakonvertibilnihmaraka);
- (2) Troškovi registracije uključeni su u maksimalan iznos sredstava koji se odobravaju po jednom korisniku.
- (3) Relevantan i prihvatljiv dokaz o namjenskom utrošku sredstava utvrđenih u stavu (1) ovog člana za troškova registracije predstavlja Aktualan izvod iz sudskog registra, odnosno Rješenje o registraciji od nadležnog gradskog/općinskog organa.

Član 27.

(Namjena utroška sredstava i rok za implementaciju)

- (1) Sredstva iz člana 26. ovog Programa namjenjena su za:

- a) refundiranje prihvatljivih troškova nastalih od 16.03.2020. godine do dana objave Javnog poziva i to:
- Troškovi registracije (notarske, knjigovodstvene i administrativne obrade dokumenata, sudske i administrativne takse, te izradu pečata firme);
 - Troškovi nabavljene opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi) ili
- b) Sufinansiranje troškova nabavke opreme, softver opreme i unutrašnjeg uređenja proizvodno/poslovnog prostora (građevinski i instalacijski radovi).
- (2) Podnosioc prijave koja se odnosi na sufinsansiranje iz ovog člana stav (1) alineja b) za realizaciju projekta mora učestvovati sa minimalno 20% vlastitih sredstava za realizaciju u ukupnoj vrijednosti projekta.
- (3) Rok za implementaciju projekta po potpisom Ugovoru za korisnike sredstava iz stava (1) alineja b) ovog člana je maksimalno 6 mjeseci od dana doznačavanja sredstava korisniku.
- (4) Neprihvatljivi troškovi za koje se ne mogu refundirati sredstva su: osnivački kapital, plaće i doprinosi na plaće, troškovi režija i održavanja, kamate, repromaterijal, ugradnja stolarije, podizanje krovnih konstrukcija, vanjski građevinski radovi, police osiguranja imovine i ljudi, kupovina i iznajmljivanje objekata, zemljišta, svih motornih priključnih vozila, kupovina, obnova, rekonstrukcija ili modernizacija objekta za najam ili prodaju, kao i nabavka opreme od lica koja nisu registrovana kao poslovni subjekti.
- (5) Svako korištenje odobrenih sredstava suprotno namjenama utvrđenim stavom (1) ovog člana smatrat će se nemajenskim utroškom.
- (6) Korisnici koji dobiju sredstava od Ministarstva po predmetnom Programu ne mogu prestati sa radom u periodu od minimalno jedne godine, u suprotnom u obavezi su vratiti dodjeljena sredstva u cijelokupnom iznosu.

Član 28.
(Kriterij za odabir korisnika)

Rb	Kriterij	Uslovi	Broj bodova	Izvor verifikacije (dostavljena dokumentacija)
1	Broj zaposlenih	1 zaposlen	1	Lista osiguranih lica izdana od strane Porezne uprave
		Preko 2 zaposlena	3	
2.	Vrsta djelatnosti	Proizvodna	3	Obavijest o razvrstavanju subjekata prema djelatnosti usklađeni sa KD 2010 (Zavod za statistiku F BiH)
		Proizvodno-uslužna	2	
		Uslužna	1	
3.	Vlastito učešće u ukupnoj vrijednosti projekta iznosi više od minimalno zahtjevanih 20%	81% i više	3	Izjava o vlastitom učešću finansijskih sredstava za realizaciju Projekta
		51% - 80%	2	
		20% - 50%	1	
4.	Broj zaposlenih iz ciljnih skupina (žene, mladi do 35 godina i osobe sa invaliditetom)	Po svakom zaposlenom	3	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
5.	Poslovanje subjekta male privrede u jedinicama lokalne samouprave	Izrazito nerazvijene JLS (I grupa)	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS (II grupa)	2	
		III, IV i V grupa	1	

Član 29.

(Prijava na Javni poziv i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama "Krajina" i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantonawww.vladausk.ba.
- (3) Uz Prijavni obrazac potrebitno je dostaviti sljedeću dokumentaciju:
 - a) Budžet projekta (dostupan na web stranice Vlade Kantona www.vladausk.ba);
 - b) Za sufinansiranje: Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi više od minimalno zahtjevanih 20%), (ovjerena pečatom pravnog/fizičkog lica i potpisana od strane ovlaštene osobe);
 - c) Original ili ovjerena fotokopija Aktualnog izvoda iz sudskog registra (pravna lica) ne stariji od 3 mjeseca od dana objave Javnog poziva, odnosno original ili ovjerena fotokopija Rješenja o registraciji od nadležnog gradskog/općinskog organa (fizičko lice) (ovjera ne starija od 3 mjeseca od dana objave Javnog poziva);
 - d) Ovjerena fotokopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - e) Ovjerena fotokopija Obavijesti o razvrstavanju subjekta prema djelatnosti usklađeno sa klasifikacijom djelatnosti KD 2010 (FBiH Zavod za statistiku)(ovjera ne starija od 3 mjeseca od dana objave Javnog poziva);
 - f) Original ili ovjerena fotokopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva) (izuzev onih koji posluju manje od mjesec dana);
 - g) Original ili ovjerena fotokopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) (izuzev onih koji posluju manje od mjesec dana) ili Izjava podnosioca prijave da isti nije u sistemu PDV-a, potpisana i ovjerena od strane podnosioca (izuzev onih koji posluju manje od mjesec dana);
 - h) Original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva;
 - i) Izjava podnosioca prijave o pripadnosti uposlenika sa liste osiguranika o ciljnim skupinama (žene, mladi do 35 godina i osobe sa invaliditetom), potpisana i ovjerena od strane podnosioca;
 - j) Fotokopija dokumenta iz kojeg je vidljiv broj transakcijskog računa na koji će se sredstva doznačiti (ugovor, karton deponovanih potpisa, potvrda);
 - k) Za refundiranje:Računi ili ugovori, izdati od poslovnog subjekta, sa specifikacijom troškova kao dokaz o nabavljenoj opremi, softver opremi ili unutrašnjem uređenju proizvodnog/poslovnog prostora (gradevinski i instalacijski radovi) original ili ovjerena kopija i izvod iz banke o izvršenom plaćanju, te fotodokumentacija nabavljene opreme, softver opreme ili prostora koji je ureden;
 - l) Za subvencioniranje: Ponuda ili predračun sa uključenom tehničkom specifikacijom troškova, izdat od poslovnog subjekta od kojeg se planira nabaviti oprema, softver oprema ili se planira unutrašnje uređenje proizvodnog/poslovnog prostora (gradevinski i instalacijski radovi). Dostavljena ponuda ili predračun ne mogu biti stariji od dana objave Javnog poziva;
 - m) Izjava podnosioca prijave da nisu korištena poticajna sredstva iz Budžeta F BiH, kantona, jedinica lokalne samouprave za istu namjenu za koju se podnosi prijava,

- potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- n) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletну dokumentaciju koja se traži Javnim pozivom.

POGLAVLJE V - PODRŠKA TRADICIONALNIM I STARIM ZANATIMA

Član 30. (Predmet mjere)

Predmet mjere je prikupljanje prijava obrtnika čije je osnovno zanimanje i djelatnost tradicionalnih i starih zanata, definisanih Uredbom o zaštiti tradicionalnih i starih zanata za sufinansiranje troškova nabavke opreme, repromaterijala i unutrašnjeg uređenja proizvodnog/poslovnog prostora (građevinski i instalacijski radovi).

Član 31. (Sredstva za implementaciju)

Sredstva za implementaciju ovog Projekta obezbeđena su u Budžetu Ministarstva na ekonomskom kodu 614500 – „Subvencije preduzećima i poduzetnicima“ u ukupnom iznosu od 70.000,00 KM (slovima: sedamdeset hiljadakonvertibilnihmaraka)

Član 32. (Pravo učešća)

Pravo učešća po predmetnoj mjeri imaju obrtnici čije je osnovno zanimanje i djelatnost tradicionalnih i starih zanata, koji obavljaju djelatnost u skladu sa Uredbom o zaštiti tradicionalnih i starih zanata („Službene novine Federacije BiH“, broj: 66/09, 62/10 i 16/12).

Član 33. (Uslovi za dodjelu sredstava)

Pravo na dodjelu poticajnih sredstava ostvaruju obrtnici definisani u članu 32. ovog Programa, pod uslovima:

- da su registrovani i imaju sjedište na području Kantona;
- da posluju najmanje godinu dana;
- da imaju najmanje 1 (jednog) zaposlenog na neodređeno vrijeme (uključujući vlasnika);
- da vlastito učešće u ukupnoj vrijednosti projekta iznosi više od minimalno zahtjevanih 20% (Izjava o vlastitom učešću finansijskih sredstava);
- da uredno izmiruju direktne poreze, doprinose za PIO/MIO i zdravstveno osiguranje;
- da uredno izmiruju indirektne poreze, ukoliko je u sistemu PDV-a i
- da nije pokrenut ili okončan postupak gašenja, obustave ili ograničenja poslovne aktivnosti.

Član 34. (Maksimalni iznos sredstava koji se dodjeljuje)

Maksimalni iznos sredstava po jednom korisniku iznosi 4.000,00 KM (slovima: četiri hiljadakonvertibilnihmaraka).

Član 35.

(Namjena utroška sredstava i rok za implementaciju)

- (1) Sredstva iz člana 34. ovog Programa namjenjena su za sufinansiranje troškova nabavke opreme, repromaterijala i unutrašnjeg uređenja proizvodno/poslovnog prostora (građevinski i instalacijski radovi).
- (2) Neprihvatljivi troškovi za koje se ne mogu koristiti sredstva su: osnivački kapital, plaće i doprinosi na plaće, troškovi režija i održavanja, kamate, ugradnja stolarije, podizanje krovnih konstrukcija, vanjski građevinski radovi, police osiguranja imovine i ljudi, kupovina i iznajmljivanje objekata, zemljišta, sva motorna i priključna vozila, kupovina, obnova, rekonstrukcija ili modernizacija objekta za najam ili prodaju, kao i nabavka opreme od lica koja nisu registrovani kao poslovni subjekti.
- (3) Rok za implementaciju projekta po potpisanim Ugovoru za korisnike sredstava iz stava (1) ovoga člana je maksimalno 6 mjeseci od dana doznačavanja sredstava korisnicima.
- (4) Svako korištenje odobrenih sredstava suprotno namjenama utvrđenim stavom (1) ovog člana smatrat će se nemajenskim utroškom.
- (5) Korisnici koji dobiju sredstava od Ministarstva po predmetnom Programu ne mogu prestati sa radom u periodu od minimalno jedne godine, u suprotnom u obavezi su vratiti dodjeljena sredstva u cijelokupnom iznosu.

Član 36.

(Kriterij za odabir korisnika)

Rb	Kriterij	Uslovi	Broj bodova	Izvor verifikacije (dostavljena dokumentacija)
1.	Broj zaposlenih	Trenutno zaposlen 1	1	Lista osiguranih lica izdana od strane Porezne uprave
		Više od 1	3	
2.	Vrsta djelatnosti	Proizvodna	3	Obavijest o razvrstavanju subjekata prema djelatnosti uskladeno sa KD 2010 (Zavod za statistiku F BiH)
		Proizvodno-uslužna	2	
		Uslužna	1	
3.	Broj zaposlenih iz ciljnih skupina (žene, mladi do 35 godina i osobe sa invaliditetom)	Po svakom zaposlenom	1	Izjava podnosioca prijave o pripadnosti uposlenika sa liste osiguranih o pripadnosti ciljnim skupinama
4.	Vlastito učešće u ukupnoj vrijednosti projekta iznosi više od minimalno zahtjevanih 20%	81% i više	3	Izjava o vlastitom učešću finansijskih sredstava za realizaciju Projekta
		51% - 80%	2	
		21% - 50%	1	
5.	Poslovanje subjekta male privrede u jedinicama lokalne samouprave	Izrazito nerazvijene JLS (I grupa)	3	Uredba o izradi indeksa razvijenosti u F BiH, Federalni Zavod za programiranje razvoja
		Nerazvijene JLS (II grupa)	2	
		III, IV i V grupa	1	
6.	Korisnik Poticaja Ministarstva privrede u 2019. i 2020.g.	Nije ostvario pravo na poticaj za navedene godine	3	Službena evidencija Ministarstva
		Korisnik sredstava	1	

Član 37.

(Način prijave i potrebna dokumentacija)

- (1) Sredstva se dodjeljuju na osnovu Javnog poziva kojeg raspisuje Ministarstvo, a koji će se objaviti u Unsko-sanskim novinama "Krajina" i na web stranici Vlade Unsko-sanskog kantona (u daljem tekstu: Vlada Kantona): www.vladausk.ba.
- (2) Prijava na Javni poziv se vrši putem Prijavnog obrasca koji se preuzima direktno sa web stranice Vlade Kantona www.vladausk.ba.
- (3) Uz Prijavni obrazac potrebno je dostaviti sljedeću dokumentaciju:
 - a) Budžet projekta (dostupan na web stranice Vlade Kantona www.vladausk.ba);
 - b) Izjava o vlastitom učešću finansijskih sredstava za realizaciju projekta (vlastito učešće u ukupnoj vrijednosti projekta iznosi više od minimalno zahtjevanih 20%);
 - c) Rješenje o registraciji od nadležnog gradskog/općinskog organa sa zadnjim izmjenama i/ili dopunama iz kojeg se može pouzdano utvrditi da se navedena djelatnost obavlja kao osnovno zanimanje (ovjera ne starija od 3 mjeseca od dana objave Javnog poziva);
 - d) Ovjerena fotokopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
 - e) Ovjerena fotokopija Obavijesti o razvrstavanju subjekta prema djelatnosti uskladeno sa klasifikacijom djelatnosti KD 2010 (FBiH Zavod za statistiku)(ovjera ne starija od 3 mjeseca od dana objave Javnog poziva);
 - f) Original ili ovjerena fotokopija Uvjerenja od Porezne uprave o izmirenju direktnih poreza, doprinosa za PIO/MIO i doprinosa za zdravstveno zdravstveno osiguranje za sve uposlene (ne starije od 3 mjeseca od dana objave Javnog poziva);
 - g) Original ili ovjerena fotokopija Uvjerenja o urednom izmirenju indirektnih poreza od Uprave za indirektno oporezivanje (ukoliko je u sistemu PDV-a) (ne starije od 3 mjeseca od dana objave Javnog poziva) ili Izjava podnosioca prijave da isti nije u sistemu PDV-a, potpisana i ovjerena od strane podnosioca;
 - h) Original ili ovjerena fotokopija Liste osiguranika izdana od strane Porezne uprave ne starija od 30 dana od dana objave Javnog poziva;
 - i) Specifikacija za utvrđivanje dohotka od samostalne djelatnosti(Obrazac SPR-1053) za 2019. godinu ili Rješenje o paušalmu plaćanju poreza;
 - j) Original ili ovjerena fotokopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti ne starija od 3 mjeseca od dana podnošenja prijave;
 - k) Ponuda ili predračun sa uključenom tehničkom specifikacijom troškova, izdat od poslovnog subjekta od kojeg se planira nabaviti oprema, repromaterijal ili se planira unutrašnje uređenje proizvodnog/poslovnog prostora (građevinski i instalacijski radovi).Dostavljena ponuda ili predračun ne mogu biti stariji od dana objave Javnog poziva i
 - l) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona www.vladausk.ba).
- (4) Prijave će biti odbačene kao nepotpune i neće biti predmet daljeg razmatranja ako ne sadrže kompletну dokumentaciju koja se traži Javnim pozivom.

POGLAVLJE VI - PRELAZNE I ZAVRŠNE ODREDBE

Član 38.

(Način podnošenja prijave)

- (1) Prijave sa potrebnom dokumentacijom dostavljaju se neposredno na protokol Vlade Kantona ili preporučeno putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza br.2, 77 000 Bihać,
s naznakom**

*Prijava po Javnom pozivu
„Jačanje konkurentnosti subjekata male privrede“
„NE OTVARAJ“, ili
Prijava po Javnom pozivu
„Podrška novoosnovanim subjektima male privrede i obrtima“
„NE OTVARAJ“, ili
Prijava po Javnom pozivu
„Podrška tradicionalnim i starim zanatima“
„NE OTVARAJ“.*

Na poledini koverte obavezno navesti naziv podnosioca prijave i adresu.

- (2) Rok za podnošenje prijava je 30 (trideset) dana od dana objave Javnog poziva.
(3) Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje i iste se neotvorene vraćaju podnosiocu prijave.
(4) Podnosioci prijava mogu podnijeti prijavu samo po jednoj mjeri iz ovog Javnog poziva. U slučaju više prijava istog podnosioca sve prijave će biti odbačene kao neosnovane i neće biti predmet daljeg razmatranja.

Član 39.

(Obrada prijava i izbor korisnika)

- (1) Za obradu prijava po Javnom pozivu: Jačanje konkurentnosti subjekata male privrede, Podrška novoosnovanim subjektima male privrede i Podrška tradicionalnim i starim zanatima, ministar Ministarstva privrede (u daljem tekstu: Ministar) rješenjem imenuje Komisiju.
(2) Komisija ima zadatak da u skladu sa kriterijama i procedurama utvrđenih ovim Programom, Javnim pozivom i Pravilnikom o postupcima u provođenju programa poticaja razvoja male privrede izvrši evaluaciju i bodovanje, sačini Preliminarnu rang listu korisnika sredstava i listu subjekata male privrede, pravnih i fizičkih lica čije su prijave neblagovremene, nepotpune i neosnovane, te iste dostavi ministru. Liste se objavljuju na web stranici Vlade Kantona: www.vladausk.ba.
(3) Na objavljene liste subjekti male privrede, pravna i fizička lica, imaju pravo prigovora koji se podnosi Ministarstvu u pisanoj formi, u roku od osam dana od dana objavljivanja listi na web stranici Vlade Kantona.
(4) Nakon isteka roka za prigovor i nakon rješavanja po uloženim prigovorima u roku od 8 dana od dana isteka roka za podnošenje prigovora, Ministar donosi Konačnu rang listu korisnika sredstava na koju Vlada Kantona daje saglasnost i ista se objavljuje na web stranici Vlade Kantona.

Član 40.

(Ugovor o dodjeli sredstava)

- (1) Nakon dobijanja saglasnosti Vlade Kantona na listu korisnika sredstava Ministarstvo sa odabranim korisnicima zaključuje Ugovore o dodjeli sredstva.

- (2) Ugovor o dodjeli sredstava iz stava (1) ovog člana sadrži: ugovorne strane, predmet i cilj Ugovora, odobreni iznos sredstava i doznačavanje, obaveze i odgovornosti ugovornih strana, trajanje i raskid Ugovora i ostale elemente Ugovora.

Član 41.

(Izvještavanje o utrošku sredstava)

- (1) Korisnici sredstava u skladu sa ugovorom iz člana 40. ovog Programa obavezni su dodijeljena sredstva iz budžeta koristiti namjenski i dužni su dostaviti Izvještaj na propisanom obrascu "Izvještaj o utrošku sredstava" sa kompletnom dokumentacijom kojom se dokazuje namjenski utrošak sredstava za cijeli program po projektnom prijedlogu navedenom u Prijavnom obrascu.
- (2) Uz Izvještaj iz stava (1) ovog člana dostaviti i Izjavu o namjenskom utrošku sredstava ovjerenu kod nadležnog gradskog/općinskog organa ili notara (dostupna na web stranici Vlade Kantona www.vladausk.ba).
- (3) Rok za dostavu izvještaja je:
- a) za korisnike sredstava po mjeri "*Jačanje konkurentnosti subjekata male privrede najkasnije 15 dana od dana isteka roka za implementaciju projekta*",
 - b) za korisnike sredstava po mjeri "*Podrška novoosnovanim subjektima male privrede i obrtima*":
 - *za refundiranje najkasnije 15 dana od dana doznačavanja sredstava korisniku*,
 - *za sufinansiranje najkasnije 15 dana od dana isteka roka za implementaciju projekta*
 - c) za korisnike sredstava po mjeri "*Podrška tradicionalnim i starim zanatima*" *najkasnije 15 dana od dana isteka roka za implementaciju projekta*.
- (4) Korisnik sredstava po mjeri "*Jačanje konkurentnosti subjekata male privrede*" i mjeri "*Podrška novoosnovanim subjekatima male privrede i obrtima*" samo za sredstva za koje je izvršeno sufinansiranje, obavezan je dostaviti kompletну dokumentaciju kojom se dokazuje namjenski utrošak za nabavljenu opremu, softver opremu, te unutrašnje uređenje proizvodnog/poslovnog prostora (građevinski, instalacijski radovi), uključujući ugovore, račune, izvode iz banke o izvršenom plaćanju te fotodokumentaciju.
Za djelatnosti iz područja H razred 49.31 i 49.39 obavezan je dostaviti kompletну dokumentaciju kojom se dokazuje namjenski utrošak sredstava što uključuje policu osiguranja za vozilo izdana od osiguravajuće kuće, potvrda o registraciji vozila (saobraćajna dozvola) izdana od Ministarstva unutrašnjih poslova Unsko-sanskog kanton i izvode iz banke o izvršenom plaćanju.
- (5) Korisnik sredstava po mjeri "*Podrška novoosnovanim subjekatima male privrede i obrtima*" za sredstva za koje je izvršeno refundiranje troškova ne dostavlja dokaze o namjenskom utrošku sredstava prilikom izvještavanja (obzirom da su isti dostavljeni prilikom prijave na Javni poziv, nego samo dostavlja popunjeni obrazac "Izvještaj o utrošku sredstava").
- (6) Korisnik sredstava po mjeri "*Podrška tradicionalnim i starim zanatima*" obavezan je dostaviti kompletну dokumentaciju kojom se dokazuje namjenski utrošak za nabavljenu opremu, repromaterijala, te unutrašnje uređenje proizvodnog/poslovnog prostora (građevinski, instalacijski radovi), uključujući ugovore, račune, izvode iz banke o izvršenom plaćanju te fotodokumentaciju.
- (7) Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samoj prijavi.

- (8) Ukoliko Korisnik sredstava ne dostavi Izvještaj o utrošku, Ministarstvo pokreće zakonom propisan postupak za povrat finansijskih sredstava i izriče zabranu pristupa budućim poticajnim sredstvima u skladu sa Zakonom o poticaju razvoja male privrede.
- (9) Dokumentacija koja se dostavlja uz Izvještaj o utrošku, a kojom se dokazuje namjenski utrošak sredstava mora biti u originalu ili ovjerenoj kopiji (izuzev izvoda iz banke i fotodokumentacije).
- (10) O utrošenim sredstvima po ovom Programu Ministarstvo će u skladu sa Odlukom o usvajanju programa utroška izvjestiti Vladu Kantona.

Član 42.

(Preraspodjela, nedostatak sredstava i poništenje Javnog poziva)

- (1) U skladu sa ovim Programom i Pravilnikom o postupcima u provođenju Programa poticaja razvoja male privrede za 2021. godinu, a u slučaju da se nakon provedenog Javnog poziva i postupka odabira Korisnika sredstava po pojedinoj poticajnoj mjeri ne utroše planirana finansijska sredstva za implementaciju definisana članovima 5., 15., 23. i 31. ovog Programa sredstva će se preraspodjeliti na one poticajne mjere za koje planirana sredstva nisu dovoljna, a o kojima će Ministarstvo predložiti Vladi Kantona Odluku o izmeni Odluke o usvajanju Programa utroška sredstava "Subvencije preduzećima i poduzetnicima" iz Budžeta Unsko-sanskog kantona-Ministarstva privrede za 2021. godinu po Programu poticaja razvoja male privrede za 2021. godinu.
- (2) Visina sredstava za poticaj pojedinom korisniku srazmjerno će se smanjiti ako ukupni zahtjevi korisnika sredstava po određenoj poticajnoj mjeri budu veći u odnosu na iznos sredstava utvrđen za implementaciju određenemjere po ovom Programu.
- (3) U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.
- (4) U slučaju nedostatka sredstava u Budžetu Kantona obustavlja se realizacija dodjele sredstava.
- (5) Ministarstvo ne snosi troškove nastale u vezi sa prijavom na Javni poziv.
- (6) Prispjela dokumentacija će se vratiti podnosiocima prijave u slučajevima utvrđenim u stavu (3) i (4) ovog člana.

Član 43.

(Stupanje na snagu)

Ovaj Program stupa na snagu danom donošenja, a objavit će se u „Službenom glasniku Unsko-sanskog kantona“.

Broj: 03-017-2942/2021
Bihać, 06.05.2021. godine



